

周

禮

正

義

周禮正義卷八十一

瑞安孫詒讓學

矢人爲矢鏃矢參分第矢參分一在前二在後參訂之而平者  
前有鐵重也司弓矢職第當爲殺鄭司農云一在前謂箭橐中  
鐵莖居參分殺一以前疏矢人爲矢者亦以所作之器名工也  
說文矢部云矢弓弩矢也古者夷牟初作矢大射儀及孟子公  
孫丑篇並有矢人云鏃矢參分第矢參分一在前二在後者程  
瑤田云司弓矢職掌八矢之法在矢絜矢殺矢鏃矢第矢  
恒矢庫矢鄭注殺矢鏃矢二者前尤重中深而不可遠也恒庫  
二者前後訂其行平也又云恒矢之爲軒輻中所謂志也矢人  
職所舉五矢僅二等鏃矢第矢曰參分一在前二在後卽夏官

注所謂前尤重者也易禮云三分其槩之二尺則一尺在前二尺在後以後二尺之重與前一尺相等則槩前之鐵爲極重矣故其發遲而近射用焉詒讓案恒矢之鐵蓋有二種禮射用金習射用骨既夕禮及爾雅所謂志也此經不及恒矢庫矢者以其前後訂分數易明文不具也互詳司弓矢疏 注云參訂之而平者前有鐵重也者訂謂平比之釋文云訂李音亭呂沈同則讀訂爲亭毛詩大雅行葦傳云錄矢參亭淮南子原道訓高注云亭平也亭訂字通詳司弓矢疏鐵謂刃也前攻金之工云五分其金而錫居二謂之削殺矢之齊則矢鐵亦以銅爲之故得與錫相和而一鄭此注並云鐵者蓋據漢時爲矢皆用鐵鐵周時矢鐵亦容兼用銅鐵故並云鐵矣鄭意凡矢以刃爲前刃

以鐵爲之故恒重後則唯著枯羽故恒輕既夕注云凡爲矢前  
重後輕是也此一二矢後多而前少以相稱量而適平者明鐵重  
故厭前一使重得與後二等也云司弓矢職第當爲殺者段玉  
裁云當字衍文賈疏云彼鏃矢與殺矢相對第矢自與箙矢相  
對此上旣言鏃矢明下宜有殺矢對之故破此第爲殺也司弓  
矢注亦云殺矢之屬參分一在前二在後鄭司農云一在前謂  
箭橐中鐵莖居參分殺一以前者橐舊本並誤橐釋文同今依  
毛晉本正後注並同鐵莖卽鏃也此矢橐三尺殺者居一尺鏃  
之入橐中者亦止一尺故云居參分殺一以前也**兵矢田矢五**  
**分二在前三在後**鐵差短小也兵矢謂枉矢絜矢也此一二矢亦  
可以田田矢謂稍矢

**疏**

兵矢田矢五分二在前三在後者程瑤

田云司弓矢注在矢絜矢二者前於後重微輕行疾也記言兵矢田矢五分二在前三在後卽夏官注所謂前於重微輕者也易祓云五分其橐之二尺則尺有一寸在前尺有八寸在後也以後尺有八寸之重而與前尺有二寸相等則橐前之鐵比殺矢蓋短而小矣故其發遠而火射用焉 注云鐵差短小也者賈疏云前參分一在前得訂此五分二在前得訂故知鐵差短小也云兵矢謂在矢絜矢也者亦據司弓矢文彼注云在矢者今之飛矛是也或謂之兵矢絜矢象焉是也云此二矢亦可以田者鄭意謂二矢雖爲兵矢亦兼爲田矢也司弓矢以二矢爲利火射用諸守城車戰則專屬兵事不云可以田鄭以意定之彼注亦云在矢之屬五分二在前三在後云田矢謂絜矢者賈

疏云按鄭志趙商問司弓矢注云凡矢之制矰矢之屬七分三在前四在後按矢人職曰田矢五分二在前三在後注云田矢謂矰矢數不相應不知所裁荅曰田矢謂矰矢此先定後云此二矢亦可以田頃若少疾此疏初在篋筭之間屬錄事得之謹荅若然鄭君本意以矰矢爲田矢非經田矢自是尋常田矢此二矢亦可以田解經田矢是在矢絜矢非直爲兵矢此二者亦可以田也此鄭云田矢謂矰矢案司弓矢職在矢絜矢言利諸田獵弗矢矰矢直言弋射不言田獵而云田矢者弋射卽是田獵也案司弓矢云殺矢鏃矢用諸田獵賈說似誤記鄭以殺矢鏃矢參分一在前二在後已見上文則此田矢不得爲彼二矢故別以在矢絜矢爲釋而又以爲矰矢者蓋因司弓矢云田弋

共矐矢故注復著此說然與彼注違悞故趙商疑而發問據鄭君所荅則田矢謂矐矢乃鄭初定之注後因與司弓矢注不合乃重定云此二矢亦可以田則謂田矢仍是枉矢絜矢其矐矢自與下蕢矢同度與司弓矢注無不合矣然則鄭後定之注當刪去田矢謂矐矢五字而今本兼有之者殆由鄭先定本早已行世學者見後定本有此二矢亦可以田之語輒據增入而忘去田矢謂矐矢五字遂成兩載亦猶保氏九數注鄭云今有重差句股馬融干寶云今有重差夕桀校者誤合兩注遂於鄭本增夕桀二字也賈疏所見本已誤而不知鄭後定本當無此五字乃強圓其說云鄭君本意以矐矢爲田矢非經田矢若然鄭君旣以非經田矢則又何爲於此注出之乎其誤甚矣殺矢七

分三在前四在後鐵又差短小也司弓矢職殺當爲蒺疏殺矢  
者殺釋文作網阮元云經當作網此因注云殺當爲蒺遂改殺  
也錢大昕云梓人矢人篇皆有網字說文無杀部从閃亦無義  
此卽描文殺字閃譌爲門又譌爲人非別有網字也案阮錢說  
近是段玉裁說同此經下篇梓人匠人弓人凡殺字皆作網疑  
此職五殺字亦當同今本作殺字例岐互非其舊也云七分三  
在前四在後者程瑤田云司弓矢注矰矢蒺矢二者前於重又  
微輕行不低也殺矢七分三在前四在後卽夏官注所謂前於  
重又微輕者也易疏云七分其橐之三尺則在前者只有三寸  
七分寸之六在後者只有七寸七分寸之一也以後七分之四  
與前七分之三相等則橐前之鐵比兵矢又短而小矣故其發



周禮正義

禮八十一

五百四十七

高而弋射用焉賈疏云此經直言弗矢不言矰矢者以其與弗矢同制故略而不言也 注云矰又差短小也者賈疏云以其前五分二在前此七分三在後前是差短小也云司弓矢職殺當爲尊者段玉裁謂當亦衍文此弗字與上文殺誤互易故鄭兩破之司弓矢注云矰矢之屬七分三在前四在後此破殺爲弗亦當兼矰矰矢也參分其長而殺其一矢彙長三尺殺其前一尺令矰矰也疏參分其長而殺其一者以下通記爲矢之法六矢所同殺釋文亦作矰云本又作殺 注云矢彙長三尺者卿射記云物長如矰注亦云矰矢餘也長三尺與跬相應賈疏云按彙人注矢服長短之制未聞彼以無正文故云未聞此云三尺者約羽六寸逆差之故知三尺也江永云矢矰有長短三尺

其中制詒讓案橐人云矢八物皆三等則八矢長短各異與弓同又韋人注云凡弓引之中參中參者蓋謂弓之下制六尺引滿之中容矢長三尺然則矢之制以三尺爲最短其上中制當以次遞增也云殺其前一尺令趨鏃也者鏃卽刃也釋名釋兵云矢本齊人謂之鏃鏃族也言其所中皆族滅也正字當作族說文金部云鏃利也舛部云族矢鋒也束之族族也趨與趨同鏃細而橐豐故殺橐前一尺使趨前漸殺至於鏃而平也五分其長而羽其一羽者六寸疏五分其長而羽其一者釋名釋兵云矢其旁有羽如鳥羽也鳥須羽而飛矢須羽而前也說文羽部云翦矢羽旣夕記有翦矢志矢並短衛鄭注云示不用也然則羽短則矢不可用太長則又行遲故必以五分矢長之一爲

度 注云羽者六寸者以三尺之槩五分之而取一分則六寸也以其筈厚爲之羽深筈讀爲槩謂矢幹古文假借字厚之數未聞疏以其筈厚爲之羽深者深謂羽入筈之深凡設羽深淺之度必視筈之厚薄爲差則不傷其力也 注云筈讀爲槩謂矢幹古文假借字者總敘杜注義同釋名釋兵云矢其體曰幹言挺幹也鄭意筈自有本義與矢幹之槩聲近故段筈爲槩也說文竹部無筈字然許鄭二君說字不盡同疑古本有此字从竹可聲而別有本義今不可攷禮經借爲矢幹之槩故云古文假借若鄉射大射禮注並訓筈爲矢幹則卽以借義釋之故不復正其讀與此注不相鑿也互詳總敘疏又案此經筈字蓋故書今書所同鄭云古文假借字乃釋字例非校故書也與小史

注以軌爲蓋古文同與庖人臬氏注所稱古文卽指故書臬云  
厚之數未聞者矢厚經無文故鄭云未聞程瑤田云刃圍寸者  
刃本之圍也刃之本卽筈之末循其所網之末而漸豐之至於  
其所網之始所謂參分其長而網其一也準之而爲筈末之網  
圍則亦參分其圍而網其一而已矣網圍寸則不網者者圍寸  
有半其厚半寸可知也若是刃之圍寸似無三等之差矣圍寸  
無差而三等之差實由金鐵豈所謂銚十之重三垆者惟殺矢  
之屬爲然故治氏專言殺矢與案此程氏以意推之未知是否  
姑存之以備一義水之以辨其陰陽辨猶正也陰沈而陽浮疏  
水之以辨其陰陽者爲欲設比也水之謂取筈木漸之水中猶  
輪人云水之以砥其平沈之均也陰陽謂橐之向日背日者亦

與輪人斬轂必矩其陰陽同賈疏云就其浮沈刻記之 注云辨猶正也者此引申之義小爾雅廣言云辨別也辨別所以正其陰陽之面故云猶正也云陰沈而陽浮者陰潤就下故沈陽燥向上故浮也夾其陰陽以設其比夾其比以設其羽夾其陰陽者弓矢比在橐兩旁弩矢比在上下設羽於四角鄭司農云比謂括也疏夾其陰陽以設其比者莊存與云比今人謂之扣所以扣弦也夾其陰陽以爲扣謂箭筈當弦處半陰半陽不偏重也程瑤田云如弓矢既辨其沈而在下者爲陰浮而在上者爲陽而刻記之矣乃夾其兩旁而設比是爲夾其陰陽案莊程說是也云夾其比以設其羽者矢羽有四設之必夾比蓋在四角邪夾之故羽著四角自從橫相直而不與比相侵也古矢皆

四羽與今矢三羽異

注云夾其陰陽者弓矢比在橐兩旁弩

矢比在上下者賈疏云以其弓豎用之故比在橐之兩畔弩弓橫用之故比在橐上下詒讓案設比蓋當陰陽均處弓矢則比在兩旁陰陽在上下弩矢則比在上下陰陽在兩旁也云設羽於四角者弓弩之矢比在兩旁上下則四角皆適當空處故就之設羽也鄭司農云比謂括也者文選西京賦薛注云括箭括之御弦者括正字作楷說文木部云楷一曰矢櫜桀弦處釋名釋兵云矢其末者括括會也與弦會也括旁曰叉形似叉也國語魯語說括矢云銘其括曰肅慎氏之貢韋注云括箭羽之間也案括卽櫜之隸變此注及儀禮尙書並作括同聲段借字比卽於箭末刻之魯語云銘其括者卽銘其箭也經不著比之長度

者比之長不過數分於三尺之筭所增損無多不關前後輕重之數故可從略也參分其羽以設其刃刃二寸疏參分其羽以設其刃者江永云此刃并鋌言之設刃卽設鋌也俞樾云分字衍文也記文本云參其羽以設其刃刃者兼鋌而言之也羽長六寸三六一尺八寸加鋌一尺刃二寸適合矢長三尺之數故曰參其羽以設其刃明設鋌刃在一尺八寸之外也上文云五分其長而羽其一此就全矢計之若除去鋌刃一尺二寸則參分其長而羽其一矣所謂參其羽以設其刃也誤衍分字義不可通矣案俞謂經分字當爲衍文其說近是注云刃二寸者賈疏云以其言參分其羽以設其刃不可參分取二分作四寸明知參分取一得二寸爲刃故知刃二寸俞樾云如疏義則當

云參分其羽以爲刃長不當言參分其羽以設其刃也且羽長六寸但云參分其羽將取二分乎抑取一分乎古人之解不應如是之鶻突也詒讓案鄭賁之意以經參分其羽爲參分六寸之長而取其一爲二寸故下文又增刃長寸爲刃長二寸於此經義雖未協但以下文校之刃長寸爲薄匕之度其匕上爲豐本出筭外圍寸者長亦一寸合之亦得二寸則鄭云刃二寸於矢鏃之度固不謬也則雖有疾風亦弗之能憚矣故書憚或作但鄭司農云讀當爲憚之以威之憚謂風不能驚憚箭也疏注云故書憚或作但鄭司農云讀當爲憚之以威之憚謂風不能驚憚箭也者段玉裁云大司馬職注壇讀從憚之以威之憚壇但憚三字古音同部張文虎云廬人句兵欲無憚注故書或作



但鄭司農云但當爲彈丸之彈但掉掉也此憚彈二字同義當  
皆訓爲掉商頌不震不動箋不可驚憚也以驚憚訓震動蓋彈  
憚但動掉皆聲之轉案張說是也注云驚憚箭亦謂矢行爲風  
所憾而振掉若驚憚然與廬人注讀雖異而意則同又莊子大  
宗師篇子犁曰無怛彼釋文引先鄭注作不能驚怛蓋以音同  
改之以就莊子之文不知此經故書憚作但與廬人彈作但正  
同不能驚憚之訓又正承憚之以威之讀改作怛不可通也刃  
長寸圍寸鋌十之重三垓刃長寸脫二字鋌一只疏刃長寸者  
記鐵末之長也以下治氏文同凡矢鐵以金鑄之與橐異材別  
使金工爲之既成以授此工設之於橐故其文兩見亦百工之  
職事通職也云圍寸者此專指鐵本之圓在橐外者言之其長

與鐵末之薄匕等也鐵末之匕薄而且銳不可以言圓則圓寸指鐵本言明矣鐵本與末各寸合之適二寸云鋌十之者謂鐵本之入槩者十倍圓之度也鄭讀刃長寸爲長二寸則謂此不冢彼爲文也云重三坑者并鐵與鋌之重也程瑤田云治氏曰爲殺矢矢人言刃同不專言殺矢也余以三等之矢訂之而平者前後殊所其故在金鐵有輕重則記所云刃之度法與權刃之數宜如治氏專指殺矢言也其他二等則以次差短亦以次差輕準訂平處試之可知其數詒讓案殺矢之刃在三等爲最重兵矢田矢蒺矢等當以次遞輕然此皆就鋌之長短豐殺消息之以取均平而刃長寸圓寸之度則諸矢固無不齊若畫一也鈺之度法八矢爲四等可以意參定之故經不分別著之也

互詳治氏疏 注云刃長寸脫二字者段玉裁云謂寸上脫二  
江永云刃長寸此及治氏兩言之謂此處脫二字既未安而刃  
長一寸縱十之者又有縱二十寸之嫌文意尤不協案江說是  
也此經本無脫文但鄭說矢長二寸亦不誤戴震謂矢匕中博  
刃長寸自博處至鋒也程瑤田云余見古矢鏃不爲匕豐本銳  
末自其半而漸殺之然則二寸者刃之通長言刃長寸者蓋言  
其半之發於矟者耳案古矢鏃蓋有豐本及薄匕兩制其鋒皆  
一寸戴程兩說並得通左昭二十六年傳云齊子淵捷從洩聲  
子射之中楯瓦繇胸汰勢匕入者三寸杜注云匕矢鏃也孔疏  
云今人猶謂箭鏃薄而長闊者爲匕據杜孔說則古矢鏃多爲  
匕方言云凡箭鏃胡合贏者四鏃或曰拘腸三鏃者謂之羊頭

其廣長而薄鏃謂之鏃或謂之鈹郭注云鏃稜也子雲所謂四  
鏃三鏃胡合贏者卽豐本銳末之制廣長而薄鏃者卽古薄匕  
之制是矢鏃有二制漢時猶然矣前弱則俛後弱則翔中弱則  
紆中強則揚羽豐則遲羽殺則趨言幹羽之病使矢行不正俛  
低也翔迴顧也紆曲也揚飛也豐大也趨旁掉也疏前弱則俛  
者俛唐石經作勉宋余仁仲本同錢大昕云勉與俛古多通用  
龜勉漢碑多作龜俛陸機文賦在有無而龜俛李善注引詩龜  
俛求之漢書谷永傳閱免遁樂師古注閱免猶龜勉也表記俛  
焉日有孳孳讀如勉此經又讀勉爲俛音同義亦同也案錢說  
是也以下並論作矢不中法之弊程瑤田云前弱後強後弱前強  
與前後強弱同而中或偏強偏弱則俛翔紆揚之病生云羽殺

則趨者殺亦當作刺下章並同羽殺謂羽減少也 注云言幹羽之病使矢行不正者凡矢行正必應拋物線若幹羽有病則行失其正前弱後弱中弱中強幹之病羽豐羽殺羽之病也倪翔紆揚謂矢行不應正線遲趨則不中常節也云倪低也者說文頁部云頽低頭也重文倪頽或从人免引申之矢行低亦通謂之倪程瑤田云倪者前低云翔迴顧也者說文羽部云翔回飛也程瑤田云翔者前高云紆曲也者楚辭惜誦王注同程瑤田云紆者中曲而不直云揚飛也者說文手部云揚飛舉也大射儀云揚觸櫛復與此揚義略同程瑤田云揚者前後輕而不定云豐大也者畱人注同云趨旁掉也者說文走部云趨疾也廣雅釋詁云掉動也謂矢太疾則動而旁出是故夾而搖之以

眡其豐殺之節也今人以指夾矢儻衛是也疏是故夾而搖之  
者釋文云搖本又作樞案樞卽拙之變體漢隸凡从岳之字或  
變从言劉球隸韻載漢孔廟禮器碑劉寬碑朱龜碑李翕西狹  
頌繇並作繇韓敕碑鄭固碑瑤並作瑯是其證也阮元云葉本  
作本又作搖疑正文搖字當本作繇案阮說亦通以下記試羽  
之法也云以眡其豐殺之節也者弓人注云節猶適也程瑤田  
云豐殺得其節則遲速之病亦除矣注云今人以指夾矢儻  
衛是也者釋名釋兵云矢羽齊人曰衛所以導衛矢也程瑤田  
云今人試矢以左手指搨而圍之藏矢其中復以右手兩指夾  
其比旋之令前行以觀其遲速之宜衛卽羽也既夕記云獵矢  
短衛志矢亦短衛疏言羽所以防衛其矢不使不調故名羽爲

衡是也橈之以眡其鴻殺之稱也橈弱其幹疏橈之以眡其鴻

殺之稱也者記試幹之法也賈疏云此言鴻卽上文強是也此

言殺卽上文弱是也注云橈弱其幹者廣雅釋詁云橈曲也

說文手部云擣按也謂扞按其幹令曲則殺者先屈可以驗其

稱否也凡相筭欲生而搏同搏欲重同重節欲疏同疏欲舉相

猶擇也生謂無瑕蠹也搏讀如搏黍之搏謂圓也鄭司農云欲

舉欲其色如舉也疏凡相筭者記選筭之法也云同重節欲疏

者節謂筭之節目也呂氏春秋舉難篇云尺之木必有節目矢

筭長二尺以上必不能無節目但以疏爲善耳注云相猶擇

也者爾雅釋詁云相視也相筭亦謂視而擇之云生謂無瑕蠹

也者謂若初生之木也賈疏云無瑕謂無異色無蠹謂無蠹孔

也程瑤田云生如漢律志泠綸取竹之解谷生其竅厚均之生  
晉灼曰生而自然均也彼言其厚生而自然均此言其形生而  
自然圓且生字直貫下四者搏重疎槩生而自然者也案程說  
較鄭爲長云搏讀如搏黍之搏者賈疏云讀如爾雅釋鳥黃鳥  
搏黍也云謂圓也者輪人注云搏圓厚也義同鄭司農云欲槩  
欲其色如槩也者槩注例用今字作栗此經注皆作槩疑亦後  
人所改詳邊人玉人疏戴震云堅實之色詒讓案聘義纈密以  
栗注云栗堅貌此云色如槩亦由質堅故色如槩也

陶人爲甌實二鬴厚半寸脣寸盆實二鬴厚半寸脣寸甌實二  
鬴厚半寸脣寸七穿量六斗四升曰鬴鄭司農云甌無底飯疏  
陶人爲甌實二鬴者陶人亦以事名工也左襄二十五年傳云



虞閔父爲周陶正喪大記云陶人出重鬲此工卽其屬也互詳  
總敘疏說文瓦部云甗甗也一穿案甗盆甗皆容一斛二斗八  
升戴震云一穿爲甗七穿爲甗並上天下小爾雅謂之鬻鬻  
鈔也方言甗自關而東謂之甗或謂之鬻或謂之酢甗郭注云  
涼州呼鈔甗甗亦通稱也甗上體如甗無底施算其中容十二  
斗八升下體如鬲以承水陞氣於上古銅甗有存者大勢類此  
又云陶人甗盆甗鬲庾皆不言廣崇之度或脩而斂或庳而扈  
不一定也詒讓案甗甗皆炊飪之器故少牢饋食禮云雍人概  
鼎匕俎于雍爨廩人概甗甗匕與敦于廩爨是甗甗以炊飯與  
鼎以烹牲體同甗盆甗並陶土爲之故左傳釋文引字林云甗  
土甗也左襄二十一年傳齊侯使賓媚人賂以紀甗玉磬杜注云甗

玉甑此別以玉爲之不爲用器非常制也云厚半寸脣寸者說文肉部云脣口端也凡器厚厚半寸其口脣周而有緣故厚倍之陶甗諸器並同云盆實二肅者制詳牛人疏云甑實二肅者說文瓦部云甑甑也又鬲部云甗甗屬案甗甑字同一切經音義引字林云甑炊器也云七穿者穿卽謂空說文宀部云穿通也窰空也楚辭離騷有甑窰王注云窰土甑孔也此七穿卽所謂窰矣注云量六斗四升曰甗者廩人臬氏注並同鄭司農云甗無底甑者少牢饋食禮注云甗如甑一空說文云甗一穿釋名釋山云甗甑一孔也賈疏云對甑七穿是有底甗段玉裁云無底卽所謂一穿蓋甑七穿而小甗一穿而大一穿而大則無底矣鬲實五穀厚半寸脣寸庾實二穀厚半寸脣寸鄭司農

云斝讀爲斛斝受三斗聘禮記有斛玄謂豆實三而成斝則斝受斗二升庾讀如請益與之庾之庾疏鬲實五斝者容六斗說文鬲部云鬲鼎屬實五斝斗二升曰斝象腹交文三足角部云斝盛饘卮也讀若斛方言云鑊北燕朝鮮洌水之間或謂之鑊或謂之鉶江淮陳楚之間謂之鉶或謂之鑊吳揚之間謂之鬲郭注云鑊釜屬也戴震云爾雅鼎款足謂之鬲注云鼎曲臑也蓋或以金或以瓦爲之款而三足無足則釜也毛詩傳有足曰斝案戴說是也鬲三足似鼎故史記封禪書說九鼎云其款足曰鬲索隱云款者空也言其足中空也漢書郊祀志款足作空足顏注引蘇林云足中空不實者名曰鬲是鬲形制與鼎同但以空足爲異故許君云鼎屬其用主於烹飪與釜鑊同故方言

又以爲鎮之別名古或範銅爲之史記滑稽傳云銅歷爲棺索  
隱云歷卽金鬲也歷屨之借字此陶人所作是瓦鬲說苑反質  
篇云瓦鬲煮食說文載鬲字重文或作甗又引漢令作屨並從  
瓦是也云庾實二斛者容二斗四升左傳昭二十六年孔疏云  
庾瓦器今甗之類案形制未聞 注鄭司農云穀讀爲斛者段  
玉裁云似傳寫之誤讀爲穀當本是或爲斛案段校是也此疊  
異文非改讀其字也云穀受三斗者此據旗人文而讀豆爲斗  
兼據今文禮家說以此經之庾爲聘禮記之適又以庾實二穀  
爲六斗半之爲一穀所受之數也彼適掌客及古文禮並作簋  
聘禮記說致禮之米云十斗曰斛十六斗曰簋十簋曰秉注云  
今文簋爲適彼記下文別釋車米總數云二百四十斗又別說

禾云四秉曰筥十筥曰稷此後鄭本記三文各不相冢也說文  
禾部秬字注則以十簋之秉與四秉之秉爲一而云周禮曰二  
百四十斤爲秉四秉曰筥十筥曰稷此亦本聘禮記而易二百  
四十斗之斗爲斤以爲一秉之總數許所據文義並與鄭異其  
稱周禮者謂此經舊師說故載師疏引五經異義古周禮說一  
井出稷禾二百四十斛秉芻二百四十斤釜米十六斗與說文  
同孔廣森云異義以稷禾爲二百四十斛是秉乃六斛矣禮注  
云今文簋爲逾似今文不但逾簋字異且唯作六斗曰逾而無  
十字逾卽庾也記庾實二穀司農注穀受二斗梓人一獻而三  
酬則一豆矣後鄭讀豆爲斗蓋旗人豆實三而成穀先鄭亦讀  
豆爲斗故云穀受二斗穀斛同音而所容實異三斗爲穀六斗

爲庾十庾爲秉秉六斛二百四十斤四十秉爲稷稷二百四十  
斛九十六百斤也案孔參綜異義說文證先鄭此注穀受三斗  
據今文禮記逾之半量其說甚埤蓋先鄭意穀三豆實爲三斗  
是庾卽逾六斗鬲一斛五斗也以此數遞乘之則一秉爲庾者  
十爲斛者六爲穀者二十也一稷爲秉者四十爲庾者四百爲  
斛者二百四十爲穀者八百也與異義所述古周禮說稷禾之  
數正合蓋此經舊師說本如是故先鄭從之後鄭掌客注及聘  
禮記注則並從古文作十六斗曰簋不從今文作逾亦不從別  
本作六斗曰逾而四秉自爲禾把與十簋之量不相冢先鄭及  
許依今文說於義爲短故不從也許君雖從今文禮義說說文  
鬲部又云斗二升曰穀則許不以此庾爲卽今文禮之逾其說

與先鄭又小異云聘禮記有斛者段玉裁云謂十斗曰斛此分別穀斛之解也正經穀或爲斛之誤案段說是也先鄭既不從或本作斛又嫌穀斛音義易混故別白之云聘禮記有斛明彼斛自爲十斗之量與此穀異賈疏謂先鄭說穀受三斗或十斗未達先鄭之指云立謂豆實三而成穀則穀受斗二升者後鄭亦據瓶人文而不破字豆實四升三之爲斗二升此破先鄭穀受三斗之說說文義同云庾讀如請益與之庾之庾者論語雍也篇文後鄭引之明此庾卽論語之庾也依鄭義則庾容二斗四升何氏集解引包咸云十六斗曰庾非鄭義也戴震云量之數斗二升曰穀十斗曰斛二斗四升曰庾十六斗曰簋穀與斛庾與簋音聲相通傳云注往往謬濶論語與之庾謂於金外更益

二斗四升蓋與之釜已當所益不得過乎始與包注十六斗曰  
庾誤也案戴說是也賈疏云爾雅籩二升二勺爲豆豆小四升  
四豆曰區四區曰釜二釜有半謂之庾者庾本有二法故聘禮  
記云十六斗曰簋注云今文簋爲逾逾卽庾也按照二十六年  
申豐云粟五千庾杜注云庾十六斗以此知庾有二法也案賈  
引小爾雅廣量文與今本異庾小爾雅作簋則仍與聘禮記字  
同禮今文作逾則本又作六斗曰逾先鄭以當此經之庾彼逾  
字或亦作庾國語魯語缶米韋注云缶庾也聘禮曰十六斗曰  
庾是庾與逾聲近字通故包杜及史記集解論語皇疏引賈逵  
左傳國語注周語韋注引唐固說並同後鄭但引論語以證此  
經之庾而不引聘禮記明今文禮之逾與此經及論語之庾異



字異量亦與先鄭意不同賈引聘禮記謂庾本有二法與後鄭  
惟實無當也據論語則金庾二量迥殊小爾雅廣量云簋二有  
半謂之缶則缶爲四斛是缶與金庾亦異而魯語缶米許氏異  
義以缶爲金韋注又以爲卽庾則是掘金庾缶爲一量殆必不  
可通今文禮之庾字又作𪔐廬詳弓人疏

旅人爲簋實一穀崇尺厚半寸脣寸豆實三而成穀崇尺崇高

也豆實四升

**疏**

旅人爲簋者旅唐石經誤旅今據宋本正旅人

亦以事名工也賈疏云祭宗廟皆用木簋今此用瓦簋據祭天  
地及外神尙質按易損卦象云二簋可用享四以簋進黍稷於  
神也初與二質其四與五承上故用二簋四巽文也巽爲木五  
離爻也離爲日日體圓木器而圓簋象也是以知以木爲之宗

廟用之若祭天地外神等則用瓦簋故郊特牲云掃地而祭於其質也器用陶匏以象天地之性是其義也案賈所述易損彖義據鄭易注亦見詩秦風權輿孔疏簋之容與穀同皆斗二升賈舍人疏引鄭孝經注謂簋受斗二升則簠簋所容亦同唯以方圓爲異戴震云古者簠簋或以金或以木或以瓦爲之管仲鏤簠金簋也爾雅金謂之鏤是也飾以玉飾以象者木簠也瓦簋不得有飾案戴說是也韓非子十過篇云堯飯於土簠土簋卽此瓦簋也聘禮又有竹簠方則簠之別制此與木簠金簋並非旅人所爲矣唯旅人爲瓦簋亦當兼爲瓦簠此不言者文不具也簠形制互詳舍人疏云豆實二而成穀崇尺者戴震云簠豆並崇尺簠通蓋高豆下有柄亦通蓋高爾雅木豆謂之豆瓦

周禮正義

禮八十一

十七

禮學附本  
五百四十九

豆謂之登竹豆謂之簋此瓦豆則登也豆其通名登與豆用同  
宜濡物若簋惟宜乾物黃以周云崇尺瓦豆之高也邊人注云  
邊如豆其容實皆四升賈疏以爲邊豆皆面徑尺柄尺依漢禮  
器制度知之管子弟子職柄尺不跪注云豆有柄長尺則立而  
進之則柄尺實古制矣論語皇疏云柄尺二寸非也柄卽中央  
直者禮謂之校其下有跗禮謂之鈐跗與口各高一寸合柄一  
尺爲高尺二寸鄭注雜記云豆徑尺疏云面徑尺以口高一寸  
圓徑一尺算之已足容實四升聶氏以爲口圓徑尺二寸亦非  
也案戴黃說甚覈聶氏三禮圖引梁正阮謀圖云登盛清以瓦  
爲之受斗二升口徑尺二寸足徑尺八寸高二尺四寸小身有  
蓋似豆狀此所說形制過大聶崇義已所之矣又賈疏謂祭宗

廟用木簋祭天地外神用瓦簋則豆亦當然郊特牲孔疏亦謂祭天之簋豆用瓦與賈意同陳祥道云詩生民述祀天之禮言于豆于登則祀天有木豆矣少牢饋食禮有瓦豆則宗廟有瓦豆矣案陳說是也蓋簋豆各有瓦木二種內外祭祀賓客通用之賈孔強爲區別未足據也又案豆實三而成轂先鄭蓋讀豆爲斗故陶人注云轂受三斗若然則簋亦容三斗於量太多又斗用木不用瓦非瓶人所爲故後鄭不從此注亦不載詳陶人疏豆形制互詳醴人疏 注云崇高也者總敘注同云豆實四升者臬氏注同廣雅釋器云升四曰桷桷木豆正字凡豆瓦木客實並同詳醴人疏凡陶旆之事髣髴薛暴不入市爲其不在用也鄭司農云髣讀爲刮薛讀爲藥黃藥之藥暴讀爲剝立謂

髻讀爲踳髻頓傷也薛破裂也暴墳起不堅致也疏凡陶旃之事者以下通論陶人旃人制器之法式云髻髻薛暴不入市者髻髻之譌體葉鈔釋文作髻案當從說文作髻詳後不入市謂不得鬻於市卽司市僞飾之禁在工者也注云爲其不任用也者明髻髻薛暴則器苦窳不任用故不入市也鄭司農云髻讀爲刮者髻刮聲類同廣雅釋詁云刮滅也戴震云刮削薄滅下之義段玉裁云說文髻訓絜髮也故大鄭易爲刮謂器似刮刮然也云薛讀爲藥黃藥之藥者說文本部云藥黃木也段玉裁改爲爲如藥爲藥云黃藥今俗作黃柏黃藥皆誤讀如藥者擬其音也今本作讀爲誤案段校是也阮元說同云暴讀爲剝者說文刀部云剝裂也廣雅釋詁云剝落也先鄭蓋謂薛暴爲

破裂剝落之貌云玄謂髻讀爲跣者賈疏云跣謂器不正故邪者也段玉裁云鄭君以爲刮義未安乃易髻爲跣謂器之折足者也髻從昏聲昏從畢聲音厥與月聲近詁讓案廣雅釋詁云跣危也跣跣音義同謂器折足則危而易覆也云墜頓傷也者段玉裁云墜葉鈔釋文作狼集韻入身四覺引周禮髻狼辟暴案說文本無墜字豕部云狼齧也凡齧物必用力頓傷謂若傾跌器埒傷辟戾者也頓頓而傷案段校是也華嚴經音義引文字集略云頓損也頓傷猶言損傷云薛破裂也者謂燒成破裂有罅隙說文缶部云缶燒善裂段玉裁云薛讀爲西京賦擘肌分理之擘謂器之罅者也案段說是也西京賦李注引此注薛作擘蓋李亦以薛擘爲一字故依賦文改之非唐時有此異本

也云暴墳起不堅致也者段玉裁云鄭君以剝義與薜相亂故從木字作暴訓墳起不堅致與槁暴之暴略同案段謂此暴與輪人注蔽暴字同是也一切經音義引聲類云爆煩起也毛詩大雅桑柔傳爆爆彼釋文云爆本又作暴爾雅釋畜爆牛郭注云頷上爆肤起彼釋文述注作爆引此注云爆謂墳起蓋暴爆爆爆聲義並略同陸引此注作爆則似依爾雅文改也不堅致謂不堅固密致此即檀弓所謂瓦不成洩孔疏謂瓦器無光澤是也致即今緻字詳大司徒疏器中膊豆中縣膊讀如車軫之詮既拊泥而轉其均封膊其側以礙度端其器也縣縣繩正豆之柄疏器中膊者此記陶旂範器之法也器兼甗盆甗隔俎簋豆諸器而言云豆中縣者瓦器惟度有柄尤貴其直故別出之

注云膊讀如車輪之輪者賈疏謂讀從雜記載以輪車之輪以音同也案今禮記輪作輶注云輶讀爲輪或作輶鄭賈並依所改字爲讀輶與膊聲類亦同云既拊泥而轉其均對膊其側以擬度端其器也者釋文云討本又作樹案對樹義同詳大司寇疏賈疏云按下文膊崇四尺上下高四尺無邪曲轉其均之時當擬度此膊宜與膊相應其器則正也詒讓案拊泥卽總敘之搏埴謂拍泥爲瓦器之埴也詒審經文及注義膊蓋爲長方之式以度器使無表曲者注所謂均則器範下圓物以便旋轉者管子七政篇云猶立朝夕於運均之上尹注云均陶者之輪也卽此其字又作鈞淮南子原道訓云鈞旋轂轉高注云鈞陶人作瓦器法下轉旋者漢書鄒陽傳顏注引張晏云陶家名模



下圓轉者爲鈞賈誼傳注亦云今之瓦者謂所轉爲鈞綜賈諸說蓋均圓膊方其制迥殊相資而爲用者莊子駢拇篇云陶者曰吾善治埴圓者中規方者中矩若然均其中規之式膊其中矩之式與云縣縣繩正豆之柄者與與人立者中縣義同謂豆柄之直與縣繩之垂綫相應也賈疏云豆柄中央把之者長一尺宐上下直與縣繩相應其豆則直案豆柄謂校也祭統云夫人薦豆執校注云校豆中央直者也賈知柄長一尺者據弟子職文詳前疏膊崇四尺方四寸凡器高於此則埴不能相勝厚於此則火氣不交因取式焉疏膊崇四尺者謂封膊之直度也云方四寸者膊平方之橫徑也注云凡器高於此則埴不能相勝者集韻十五灰云埴陶器範說文土部云坯一曰瓦未燒

又缶部云罄未燒瓦器也讀若箒芋同埤與坏罄音義並相近不能相勝謂太高過四尺則未燒時易傾壞也云厚於此則火氣不交者謂厚過四寸質疎云謂埤不熟則易破者也云因取式焉者鄭意拊泥爲埤封埤以候度端正其器因卽視爲高厚之度也

梓人爲筍虞樂器所縣橫曰筍植曰虞鄭司農云筍讀爲竹筍之筍疏梓人爲筍虞者梓人亦以所攻之材名工也爾雅釋木云椅梓說文木部云梓楸也凡木材以梓爲良故書云若作梓材彼釋文引馬融云治木器曰梓大射儀工人士與梓人畫物卽此工也筍釋文作篴云本又作筍廣韻十七準云篴篴同案篴篴並筍之俗筍椅之省詳典庸器疏爾雅釋器云木謂之虞

莊子達生篇云梓慶削木爲鐻鐻亦虞之段字彼釋文引李頤云梓官名卽此此工官也周時縣樂器之筍虞並以木制故梓人爲之秦漢以後或鑄金爲之非古也 注云樂器所縣橫曰筍植曰虞者典庸器杜注義同鄭司農云筍讀爲竹筍之筍者段玉裁改爲爲如云各本作讀爲誤也此與典器庸注皆擬其音耳此筍竹胎字也與竹箭有筍字同音異竹箭有筍于貧反案段校是也天下之大獸五脂者膏者羸者羽者鱗者脂牛羊屬膏豕屬羸者謂虎豹貔螭爲獸淺毛者之屬羽鳥屬鱗龍蛇之屬疏天下之大獸五者爾雅釋鳥云二足而羽謂之禽四足而毛謂之獸此五獸兼羽鱗者對文則異散文可通猶月令五蟲有羽毛也 注云脂牛羊屬膏豕屬者賈疏云二者祭宗廟以

爲牲故知也鄭注內則云凝者曰脂釋者曰膏詒讓案說文肉部云戴角者脂無角者膏家語執轡篇云無角無前齒者膏有角無齒者脂王注云膏豕屬脂羊屬淮南子墜形訓云無角者膏而無前有角者脂而無後高注云膏豕熊羆之屬脂牛羊麋之屬義並與鄭同大戴禮記易本命篇亦云無角者膏而無前齒有羽者脂而無後齒有羽卽有角之譌云羸者謂虎豹貔螭爲獸淺毛者之屬者大司徒羸物注義同螭卽离之借字詳彼疏云羽鳥屬者大司徒羽物注云翟雉之屬文選蜀都賦劉注云羽族鳥也云麟龍蛇之屬者月令春其蟲麟注同大司徒麟物注云魚龍之屬案此經魚入小蟲連行屬蛇入小蟲紆行屬笥虞大獸麟屬當專據龍言之又案說文魚部云餘蟲連行紆

行者依此經下文通行爲魚屬紆行爲蛇屬則餘似亦魚蛇水蟲之通名非一蟲而兼兩行也若然疑此經改書別本鱗或有作鱗者故許卽據下經爲訓鱗餘聲類亦相近也宗廟之事脂者膏者以爲牲致美味也疏宗廟之事者卽大宗伯人鬼六享之事云脂者膏者以爲牲者牧人六牲唯雞爲羽屬餘皆獸屬有脂膏者也賈疏云上撫言於此已下別言之欲分別可爲筍虞者也注云致美味也者脂膏者肥腍中爲犧牲故以共祭致其美味也羸者羽者鱗者以爲筍虞貴野聲也疏注云貴野聲也者野物有聲者或不中爲牲則刻其形於筍虞使樂作時匪色似鳴若備其聲也外骨內骨卻行仄行連行紆行以脰鳴者以注鳴者以旁鳴者以翼鳴者以股鳴者以胛鳴者謂之小

蟲之屬以爲雕琢刻畫祭器博庶物也外骨蠃屬內骨蜃屬卻  
行螻衍之屬仄行蟹屬連行魚屬紆行蛇屬脰鳴鼃龜屬注鳴  
精列屬旁鳴蜩蜋屬翼鳴發皇屬股鳴蚣蝮動股屬宵鳴榮原  
屬疏謂之小蟲之屬者賈疏云上云大獸或爲宗廟牲或爲荀  
虞設今此更別言小蟲之屬以飾祭器者也自紆行以上不能  
鳴者據行而言自脰鳴以下能鳴者據鳴而言之 注云刻畫

祭器博庶物也者此亦以雕爲彫也巾車注云彫者畫之司約  
丹圖注謂彫器簠簋之屬有圖象者雕彫之借字詳總敘疏賈  
疏云以雕畫及刻爲琢飾者也案賈蓋以雕爲畫琢爲刻二義  
不同然攷說文彡部云彫琢文也玉部琬琢並云治玉也爾雅  
釋器云玉謂之雕又云玉謂之琢琬雕字亦通孟子梁惠王篇

趙注云彫琢治飾玉也論語公冶長篇朽木不可雕也集解引包咸云雕雕琢刻畫依包說則雕琢卽雕亦卽刻畫可證鄭義說文刀部云刻鏤也蓋施刀削曰刻成文采曰畫祭器雖有畫文而經云雕琢則自專據刻鏤言之若司尊彝注說雞彝鳥彝山罍並云刻而畫之雜記鏤簋注云刻爲蟲獸是也賈分雕琢爲兩訓非經注義云外骨龜屬者說文龜部云龜舊也外骨內肉者也案禮敦簋皆刻龜形詳舍人疏此外骨內骨皆龜人所謂互物者外骨當亦兼有蜃貝之屬豈人有蜃尊注謂畫蜃亦祭器也云內骨蜃屬者蜃釋文云本又作鼃案字當作鼃說文龜部云鼃甲蟲也蜃蜃皆俗體蜃亦見雍氏注賈疏云按易說卦云離爲鼃爲蜃爲龜注皆云骨在外與此注違者龜鼃皆外

骨但此經外骨內骨相對以竈外有內緣爲內骨也云卻行蟻  
衍之屬者廣雅釋言云卻退也釋文云爾雅云蟻衍入耳郭璞  
云蚰蜒也按此蟲能兩頭行是卻行劉云或作衍蚰今曲蟻也  
臧琳云說文虫部蟻側行者與鄭異然鄭以仄行爲蟹屬說文  
亦以蟹爲旁行則此作側行或字誤蟻衍今爾雅爲蟻衍陸云  
本又作蟹皆說文所無當定作衍又說文云蚰蟻或从引與劉  
昌宗所見或本合釋文作衍蚰誤倒也以爲曲蟻亦非說文蟻  
宛蟻也此卽曲蟻與蟻衍異方言云蚰蜒自關而東謂之蟻衍  
或謂之入耳或謂之蟻蟻趙魏之間或謂之蚰蚰北燕謂之蚰  
蟻案臧說甚析凡連言蟻衍者爲蚰蜒本艸陶注云細黃蟲狀  
如蜈蚣是也單言蟻者爲邱蚰劉云曲蟻是也鄭云卻行者自



謂蚺蚺許云側行者自謂邱蚓故玉篇亦云蠺蠺仄行卽寒蚓也今日諡蚺蚺能兩頭行而邱蚓則非側行許說爲短也云仄行蟹屬者漢書五行志顏注云仄古側字廣雅釋言云側旁也說文虫部云蟹有二敖八足旁行又以側行爲蟺字義並與鄭異云連行魚屬者王制注云連猶聚也連行卽易剝五六爻辭所謂貫魚王注云駢頭相次是也云紆行蛇屬者矢人注云紆曲也說文糸部云紆曲也賈疏云紆曲也以其蛇行屈曲故謂之紆行也云脰鳴鼃屬者說文肉部云脰項也公羊莊十二年何注云脰頸也齊人語釋名釋形體云咽青徐謂之脰說文虫部云蚺鼃詹諸以脰鳴者爾雅釋魚鼃鼃諸在水者鼃案鼃鼃水居詹諸陸居種類略同鄭云鼃鼃屬足以咳詹諸許鄭

義不異也。鼃鼃無肋骨口不能呼氣成聲其聲似出咽項之間故云。脰鳴也。鼃鼃詳秋官敘官疏云。注鳴精列屬者公羊釋文云。注與味同。案說文口部云。味鳥口也。注卽味之。段字賈疏云。按釋蟲云。蟋蟀葦。注云。今促織也。亦名青蛩。方言精列楚謂之蟋蟀。或謂之葦。南楚之間或謂之王孫。詒讓案大戴禮記易本命篇盧注云。蟋蟀無口而鳴。今日諺蟋蟀有口而鳴。不以口其聲出兩翼間。鄭以釋注。鳴似未塙。說文虫部云。虺以注。鳴詩曰。胡爲虺蜥。又云。榮蜺蛇醫以注。鳴者虺卽榮蜺亦卽榮原。鄭以爲胃鳴之屬。與許異。當以許爲長。玉篇虫部亦云。石虺今以注鳴者依許義也。云旁鳴。蜺蜺屬者說文肉部云。膀脅也。旁卽膀之段字。又說文虫部云。蜺蜺也。詩曰。五月鳴蜺蜺。以膀鳴者蜺

寒蜩也賈疏云蟬鳴在脅云翼鳴發皇屬者賈疏云按爾雅蚋  
蟻蛭郭云甲蟲也大如虎豆綠色今江東呼爲黃蛭卽此發皇  
也臧琳云說文虫部蛭蛭蟻以翼鳴者爾雅蚋蟻蛭御覽引孫  
炎注云翼在甲裏友發聲同古文多通用故爾雅作蚋周禮注  
作發爾雅音義云蟻本或作黃黃與皇亦古通案臧說是也今  
有綠色甲蟲形狀如郭說鳴聲甚清亮江蘇人謂之金鐘于富  
卽發皇也云股鳴蛭蛭動股屬者說文虫部云蛭蛭以股鳴者  
重文蛭蛭或省詩幽風七月云五月斯蛭動股毛傳云斯蛭蛭  
蛭也爾雅釋蟲云蛭蛭蛭蛭郭注云蛭蛭也俗呼蛭蛭詩周南  
蟋蟀孔疏引陸璣疏云幽州人謂之春箕春箕卽春黍蛭蛭類也  
長而青長角長股股鳴者也或謂似蝗而小班黑其股似瑋瑋

文五月中以兩股相搓作𧈧聞數十步案𧈧蟻鳴聲亦出兩翼  
旁以其與股相摩切故謂之股鳴詩云斯螽動股卽謂螽蟻振  
股而鳴此注亦用詩成文非以動股爲別一蟲也云𧈧鳴榮原  
屬者釋文云𧈧本亦作骨又作𧈧干本作骨云𧈧屁屬也賈馬  
作𧈧賈云靈蟻也鄭云榮原屬也不知榮原之屬以何鳴作骨  
者恐非也沈云作𧈧爲得亦所未詳聶音𧈧劉本作𧈧音鹵原  
亦作𧈧賈疏云此記本不同馬融以爲𧈧鳴干寶本以爲骨鳴  
𧈧在六府之內其鳴又未可以骨爲狀亦難信皆不如作𧈧鳴  
也臧琳云說文虫部蟻大龜也以𧈧鳴者爾雅釋文引字林云  
蟻大龜以𧈧鳴本說文許叔重學於賈景伯故從賈說馬季長  
亦同沈重云作𧈧爲得據鄭本也詒讓案說文𠂔部云𧈧膺也

重文胃匈或从肉胃卽匈之俗玉燭寶典引經作匈攷巾車廬  
人注並有胃字經文作胃作胃並通諸家本作骨作胃字形咸  
相近知故書不作匈也此經文及訓義諸家差互未知孰是釋  
文引干寶本胃作骨云敝屣屬敝屣段玉裁定爲鼈字之誤分  
是也又引劉昌宗本作胃音鹵胃今本釋文作骨字書所無胃  
字亦無鹵音疑誤榮原說文作榮蜺原卽蜺之借字陸載別本  
作蜺玉燭寶典引同爾雅釋蟲云蜺蜺蜺蜺方言云守宮其在  
澤中者謂之易蜺南楚謂之蛇醫或謂之蜺蜺桂林之中守宮  
大者而能鳴謂之蛤解注榮原當卽指蛤解也段成式酉陽雜  
俎廣動植篇云榮原胃鳴此從賈馬本作胃而義則仍從鄭與  
陸引聶音略同今攷說文以榮原爲注鳴蓋亦本賈侍中說義

實允協但此胃鳴賈馬作胃鳴於義爲短竊謂經文當從胃而  
義則當從賈說爲靈蠭爾雅釋魚靈龜郭注云涪陵郡出大龜  
甲可以卜緣中文似瑋瑋俗呼爲靈龜卽今蜃蠭龜一名靈蠭  
能鳴是也凡龜屬肋骨咸與外甲相屬不能張翕故其鳴似出  
胃間與鼃鼃脰鳴相類也厚脣弇口出目短耳大胃燿後大體  
短脰若是者謂之羸屬恒有力而不能走其聲大而宏有力而  
不能走則於任重宜大聲而宏則於鍾宜若是者以爲鍾處是  
故擊其所縣而由其虞鳴燿讀爲哨頃小也鄭司農云宏讀爲  
絃經之絃謂聲音大也由若也疏厚脣弇口者呂氏春秋仲冬  
紀高注云弇深遠也謂脣厚而口深大云大胃燿後者後漢書  
馬融傳廣成頌胃作匈李注引此經同聶氏三禮圖云燿本又

作臚案賈廛人疏引此記亦作臚詳後云有力而不能走則於任重宜大聲而宏則於鍾宜者明鍾虞宜用羸屬之義云若是者以爲鍾虞者說文庀部云虞鍾鼓之柎也節爲猛獸卽謂羸屬之獸古節鍾虞以猛獸說者因誤以虞爲獸名後漢書董卓傳李注引前書音義及漢書及郊祀志賈山傳顏注並以荀虞之虞爲神獸此蓋以爲康之段字非古義也依說文則鼓虞亦象羸屬爲之蓋鼓音宏大虞宜與鍾同也此不云爲鼓虞者文不具穆天子傳云鳥以建鼓獸以建鍾彼似謂建鼓之柎以鳥爲節則又與磬虞同也江永云凡羸羽蟲皆刻於植虞上曰任重曰任輕曰加任焉假設言之耳非真以全架任之於其背也戴震云羸者爲鍾虞羽者爲磬虞皆所以負筍非爲虞下之跗也

東京賦洪鍾萬鈞猛虞趙趙負筍業而餘怒乃奮翅而騰驤薛  
綜注云當筍下爲兩飛獸以背負案江戴說是也江文選上林賦  
張揖注云虞獸以狹鍾旁足爲虞獸負枸之證聶氏禮圖乃畫  
獸於虞趺之下若負虞然失之 注云燿讀爲哨頃小也者頃  
余仁仲本作頃注疏本及羣經音辨並同釋文作頃云音頃李  
一音懇惠士奇云馬融廣成頌曰鷲鳥毅蟲倨牙黔口大匈哨  
後然則燿一作哨音義宜然康成讀從之本師說也燿一作羸  
細小之貌與哨通羸一作羸爾雅曰羸豚瘠也瘠則細小音異  
而義同段玉裁云說文哨不容也記投壺曰在矢哨壺哨是頃  
意不容是小意頃今頃字頃不正也或作頃李音懇釋文本作  
頃是賈疏本作頃非案此經無作羸之本惠說益據大司徒釋



文及塵人疏而言以音義攷之此經訓頃小者宜作耀塵大司徒塵人注訓瘠瘵者宜作塵二字形近故多互譌頃小之義當如段說阮元說亦同廣雅釋詁傾頃並訓衰也頃與傾同形方氏注亦以孤邪爲孤哨然則哨後亦謂後表殺而小也李軌本作願音懇則謂與轉人願典字同未詳其義後漢書注引此注作耀讀曰哨哨小也疑李賢所改鄭司農云宏讀爲絃經之絃謂聲音大也者說文山部云宏屋深響也爾雅釋詁云宏大也書盤庚孔疏引樊光注亦援此記爲釋用先鄭義也賈疏云讀從左傳桓二年臧哀伯曰衡統絃經取其音同耳阮元云此讀爲疑當作讀如段玉裁云月令其器圓以閔注云閔讀爲絃絃謂中寬象土含物正義云絃從頤下屈而上屬於冕中央寬緩

案凡其外圍弁其內深廣曰宏似不假易爲紘也聲音謂聲之  
成文者案阮說是也二云由若也者由與猶同郊特牲猶注二云猶若  
也銳喙決吻數目顧脰小體騫腹若是者謂之羽屬恒無力而  
輕其聲清陽而遠聞無力而輕則於任輕宜其聲清陽而遠聞  
則於磬宜若是者以爲磬虞故擊其所縣而由其處鳴吻口脰  
也顧長脰貌故書顧或作𦓐鄭司農二云𦓐讀爲鬣頭無髮之鬣  
**疏**銳喙決吻者說文口部云喙口也文選甘泉賦李注二云決亦  
開也謂口銳利而脣開張也二云數目顧脰者毛詩釋文二云數細  
也謂細目也二云小體騫腹者說文馬部二云騫馬腹繫也段玉裁  
校改繫爲墊謂馬腹低陷是也毛詩小雅無羊傳二云騫虧也體  
小則腹虧損低陷也無羊孔疏引崔靈恩毛詩集注本詩傳作

騫臞也則與此上文燿後之燿義同云其聲清陽而遠聞者弓人云凡相幹欲赤黑而陽聲注云陽猶清也案陽與揚通釋名釋天云陽揚也氣在外發揚也荀子法行篇云玉扣之其聲清揚而遠聞聘義作扣之其聲清越以長揚越一聲之轉云無力而輕則於任輕宜其聲清陽而遠聞則於磬宜者於磬上俗本並挽則字今據唐石經補賈疏云磬輕於鍾故畫鳥爲節注云吻口臞也者說文口部云吻口邊也集韻二僊云臞吻也釋名釋形體云吻口臞也可以卷制食物使不落也卷臞字通云顧長脰貌者顧與肩通莊子德充符篇云其脰肩肩釋文引李頤云肱小貌梁簡文帝云直貌此顧脰亦項長而直之貌也云故書顧或作徑鄭司農云徑讀爲鬚頭無髮之鬻者釋文云鬻

呂忱云鬢禿也案呂本說文徑鬢聲相近左襄十七年經邾子  
經公羊穀梁作鬢是其例惠士奇云廣雅曰鬢鬢鬢禿也  
明堂位夏后以楊豆注云楊無節也齊人謂無髮爲禿楊則鬢  
與楊音同器無文猶頭無髮其義亦同矣楊亦作髡士喪禮髡  
豆兩段玉裁云說文頁部曰顧頭鬢少髮也从頁耳聲引周禮  
數目顧脰此蓋賈侍中說字與鄭同義與鄭異顧或爲徑司農  
讀爲鬢皆雙聲字說文髡部云鬢鬢禿也明堂位注禿楊楊卽  
鬢之段借釋名作輕司農臬髡部合謂項無毛也羽屬項不必  
無毛故鄭君不取小首而長搏身而鴻若是者謂之鱗屬以爲  
筍搏圓也鴻備也疏若是者謂之鱗屬以爲筍者賈疏云上論  
鍾磬之虞用鳥獸不同此論二者之筍同用龍蛇鱗物爲之也  
故直云爲筍不別言鍾之與磬欲見二者同也詒讓案明堂位

夏后氏之龍筭虞注云橫曰筭飾之以鱗屬孔疏謂此經筭飾以龍彼經并云虞者蓋夏時筭虞皆飾之以鱗或可因筭連言虞也又引漢禮器制度云爲龍頭及領口銜璧壁下有旄牛尾也文選顏延之曲水詩序李注引阮湛三禮圖云筭虞兩頭並爲龍以銜組以上二說並漢制不知與古合否說文金部鑄字注云鑄鱗也鍾上橫木上金華也以鱗屬爲鍾上橫木之飾故謂之鑄鱗矣 注云搏圓也者廬人弓人注同詳輪人疏云鴻備也者爾雅釋言云備均也郝懿行云備與鴻聲近鄭蓋以龍蛇之屬其身搏圓前後均等故訓鴻爲備義本爾雅案郝說是也典同先鄭注云鍾聲上下正備與此義同林希逸云鴻大也搏身而鴻身圓而大也俞樾云鴻當讀爲鳴說文佳部唯鳥肥大唯唯也或從鳥作鳴搏身而鴻者亦謂其肥大也作鴻者假

字案林會說亦通凡攫網援箬之類必深其爪出其目作其鱗  
之而謂筍虞之獸也深猶藏也作猶起也之而頰頰也疏凡攫  
網援箬之類者網猶文殺字之譌詳矢人疏賈疏云此覆釋上  
文鍾虞之獸云攫網者攫著則殺之援箬者以攬則噬之詒讓  
案攫猶搏持詳獸人疏廣雅釋詁云援引也噬齧也箬噬字同  
春官以爲卜筮字彼爲假借此用本義也山師注作噬箬噬古  
今字詳春官敘官疏攫網援箬謂猛毅剽狡之獸爾雅釋獸云  
柔蟄善援郭注云便攀援又云獮父善顧注云能攫持人亦其類  
也云必深其爪出其目者謂刻猛獸之爪必深入目必高出也爪  
又之段字詳輪人疏云作其鱗之而者賈疏云謂動頰頰此皆可  
畏之貌注云謂筍虞之獸也者此有鱗屬則兼筍虞而言賈疏  
謂此唯說鍾虞鄭連言筍非也云深猶藏也者亦引申之義廣雅

釋詁云藏深也云作猶起也者地官胥注同云之而頰頰也者鄭  
蓋以之而爲疊韻連綿語其義則爲頰頰也賈疏云舊讀頰字以  
沽罪反謂起其頰頰劉炫以爲於義無所取當爲頰頰音壺讀之  
於義爲允也釋文云頰許慎口忽反禿也劉古本反李又入其懸  
反一音苦乾反又音混戴震云頰側上出者曰之下垂者曰而頰  
髮屬也王引之云說文頰禿也禿爲無髮則不可以言作矣鄭說  
非也案而頰毛也之猶與也作其鱗之而謂起其鱗與頰毛也若  
龍有鱗虎有鬚皆象其形使之上起耳古文連及之詞或言與或  
言之說文而頰毛也引周禮作其鱗之而釋而不釋之然則之爲  
語詞非實義所在矣案王說於義爲允然鄭意似當如戴說頰頰  
陸賈所列諸家音讀義並難通今攷疏所舉沽罪反一音釋文及  
說文玉篇廣韻並不載又引劉炫讀爲壺廣韻二十一混訓禿頰

集韻十四賄沾罪切及二十一混本初苦本切兩收領字並訓  
頰鼻韻則兩音當異訓不知劉讀於義何取竊疑頰領當作頰須  
領正字作領與須形近致謬禮運孔疏引說文云而者鬚也鬚  
卽須之俗今本說文而部作頰毛而須部云頰頰須也頰須與  
頰毛義同冥氏先鄭注以須爲頰下須許鄭詰而云頰須者明  
其與頰下須微異也然據李劉兩音則晉時本已如此蓋其謬  
久矣而字又作鬚彤文選張衡西京賦云猛毅鬚鬚薛綜注云  
鬚鬚作毛鬚也漢書西域傳注孟康云節子有頰彤顏注云彤  
亦頰旁毛也深其爪出其目作其鱗之而則於眦必撥爾而怒  
苟撥爾而怒則於任重空且其匪色必似鳴矣匪采貌也故書  
撥作廢匪作飛鄭司農云廢讀爲撥飛讀爲匪以似爲發疏則



於眚必接爾而怒者眚謂人眚之也 注云匪采貌也者詩衛  
風淇奥有匪君子毛傳云匪文章貌說文文部云斐分別文也  
段玉裁云匪者斐之假借與淇奥詩同云故書撥作廢匪作飛  
鄭司農云廢讀爲撥飛讀爲匪者段玉裁云撥廢匪飛皆以聲  
類易字也云以似爲發者亦述先鄭義段玉裁云謂似當爲發  
也僅云似鳴形容未盡故改爲發鄭君經仍作似蓋不謂然俞  
樾云以似爲發與上兩句不一律且經文必似鳴矣文義甚明  
若破似爲發而曰必發鳴矣義轉未安下文云其匪色必似不  
鳴矣豈可曰必發不鳴乎然則此注殆必有誤疑故書廢字先  
鄭讀爲撥後鄭以撥字無義改讀爲發論語微子篇廢中權釋  
文曰鄭作發是鄭注論語亦讀廢爲發可證案似發形聲並遠

固似有誤然俞疑爲後鄭讀廢爲發則此無立謂之文於注例不合所未詳也爪不深目不出鱗之而不作則必黹爾如委矣苟黹爾如委則加任焉則必如將廢措其匪色必似不鳴矣措猶頓也故書措作厝杜子春云當爲措疏則必黹爾如委矣者黹唐石經初刻並作頽磨改作黹案頽卽黹之譌說文秃部云黹秃貌又自部云隤下墜也此黹爾形容厭伏不振之貌當爲隤之段借易繫辭云夫坤隤然示人簡矣釋文引馬融云隤柔也委亦廢措之意此申明爲虞獸而不深爪出目作鱗之而者之不足觀也賈疏謂此說脂者膏者止可謂性不可爲虞之義非也云其匪色必似不鳴矣者段玉裁謂此本云其匪色必不似鳴今本似不鳴誤注云措猶頓也者此引申之義也說文

手部云措置也廣雅釋詁云頓僵也云故書措作厝杜子春云當爲措者段玉裁云此古文假借也漢人抱火厝之積薪之下同子春謂厝石之字非訓故易爲措古廢置皆曰措

梓人爲飲器勺升爵三升獻以爵而酬以觚以觚一獻而三酬則一豆矣勺尊升也觚豆字聲之誤觚當爲解豆當爲斗

**疏**

爲飲器者飲酒所用之器也勺所以刺爵觚所以飲二者通爲飲器云勺一升者說文勺部云勺挹取也象形中有實明堂位云夏后氏以龍勺殷以疏勺周以蒲勺鄭注云龍龍頭也疏通刻其頭蒲合蒲如鳧頭也聶氏三禮圖引舊圖云龍勺柄長二尺四寸受五升士大夫漆赤中諸侯以白金飾天子以黃金飾疏勺長二尺四寸受一升漆赤中丹柄端蒲勺所受同案舊禮

圖說疏勺蒲勺所受與此經同而龍勺則容五升所贏大多殆誤以洗勺容量釋尊料與禮器有禰勺土喪禮有素勺亦並以木爲之與蒲勺略同又案漢書律厤志云十合爲升此勺一升卽容十合也孫子算經云十勺爲合彼爲量之微數與尊料亦異也云甒一升觚二升者聶圖及御覽器物部引二禮舊圖云觚受三升銳下方足漆赤中畫青雲氣通飾其卮甒觚解角散諸觴皆形同升數則異案甒形制詳大宰疏云獻以甒而酬以觚者說文酉部云甒主人進客也重文酬酌或从州詩小雅彤弓箋云飲酒之禮主人獻賓賓酢主人主人又飲而酌賓謂之酌酌猶厚也勸也觚當依鄭作解凡酬皆用解淩廷堪云鄉飲酒記獻用甒其他用解鄉射記同此爲鄉飲酒鄉射而言也若

周禮正義 禮八十一

三百四十九

燕禮大射雖獻亦用觚宰夫爲主人避君也至於酬旅酬無算  
爵則同用解矣云一獻而三酬則一豆矣者劉敞云獻以一升  
酬以三升也并而計之爲四升四升爲二豆四豆非飲器其計數  
則然戴震亦云合獻酬共一豆酒其日一獻而三酬者爵一升  
以之獻解三升以之酬蒙上省文詒讓案一獻三酬合爲一豆  
馬鄭並破豆爲斗是以一獻三酬一二並爲獻酬之次數一獻  
得一升三酬得九升則一斗也然於禮無據禮器孔疏云案燕  
禮獻以觚又燕禮四舉酬熊氏云此一獻三酬是士之饗禮也  
若是君燕禮則行無算爵非唯三酬而已若是大夫以上饗禮  
則獻數又多不唯一獻也故知士之饗禮也案熊孔申鄭說謂  
此是士之饗禮臆說無左證且梓人制器必準之士禮義亦無

取劉敞謂一升獻而三升酬一三非謂獻酬次數故書作三豆可  
通不煩破字其說甚塢陳祥道及近儒多從其說陳喬樞云攷  
侯禮士冠禮乃醴賓以一獻之禮注壹獻者獻酢酬賓主人各  
兩爵而禮成案負兩爵謂獻飲一爵而酬飲一觶主人兩爵謂  
酢飲一爵而酬飲一觶也然主人之酢酒若有介酢者則酢酒  
不止一爵今梓人言獻酬非言酢酬知一爵一觶但就賓客而  
言不指主人言也又攷鄉飲酒鄉射並行壹獻之禮者壹獻之  
禮始於獻而成於酬賓介眾賓各得一獻一酬焉自獻賓以迄  
旅酬皆是也鄉飲酒禮迎賓拜至主人取爵于篚實爵獻賓賓  
拜受坐卒爵此主人獻賓而賓飲一爵也賓實爵酢主人畢主  
人實觶酬賓賓奠觶于薦東則賓雖受酬而未飲矣主人又實

爵獻介介拜受坐卒爵此主人獻介而介飲一爵也介洗爵授主人主人酌酢畢又賓爵獻眾賓眾賓之長升拜受者三人立卒爵授主人爵眾賓獻則不拜授爵此主人獻眾賓各飲一爵也眾賓不酢主人鄉射無介則眾賓之長一人酢既畢獻主人以虛爵降奠於篚而獻酬之爵遂不復用焉於是二人舉觶于賓賓受奠觶于其所舉觶者降是賓仍受觶而未飲也至正歌告備旅酬方起賓乃取俎西之觶阼階上酬主人卒觶賓賓之授主人解揖復席此賓酢主人而飲一觶以爲旅酬之始也主人以所受賓酬之觶西階上酬介如賓酬主人之禮主人揖復席司正升相旅曰某子受酬受酬者自介右此介受主人酬而飲一觶以酬眾賓之長也眾賓長又以所受介酬之觶酬眾賓

皆如賓酬主人之禮眾受酬者受自左辯卒受者以虞禴降奠于僎此眾賓以次行酬而各飲一解也至是始酬事畢酬而壹獻之禮終矣賓若有遵者諸公大夫則既一人舉解乃入主人獻遵者遵者皆飲一奮鄉射禮云遵酢主人鄉射無介其旅酬也賓酬主人主人酬遵者遵酢眾賓然則鄉飲酒禮若有遵者當主人酬介介酬遵者遵酬眾賓也賓介遵者及眾賓並獻奮之外不多一奮酬解之外不多一解據此則一獻之禮賓皆飲酒一奮一解奮受一升解受三升獻酬二者共四升與梓人言一獻三酬蒲豆相合不當改字斯亦足以明矣案陳說是也 注云勺尊升也者段玉裁改升爲斗云斗與梓同說文梓勺也尊梓謂挹取尊中之梓也今本作尊升誤魏晉人書斗多作什故



易講升案段校甚瑣土冠禮云賓勺解角樽注亦云勺尊斗所以斟酒也賈彼疏云案少牢云鬯水有科與此勺爲一物故云尊斗對彼是鬯料所以斟水則此爲尊斗斟酒者也案賈說是也今本儀禮注亦譌斗爲升與此注同鄭言此者別於鬯人大湖設斗爲挹水之料也聶圖引舊圖云洗勺受五升彼卽鬯料與此勺異云觚豆字聲之誤觚當爲解豆當爲斗者此依馬融說也賈疏云解字爲觚是字之誤斗字爲豆是聲之誤又疏及燕禮疏禮器孔疏引五經異義賈制篇云今韓詩說一升曰爵一升曰觚三升曰解四升曰角五升曰散總名曰爵其實曰觚古周禮說爵一升觚三升獻以爵而酬以觚一獻而三酬則一豆矣許慎謹案周禮云一獻三酬當一豆卽觚二升不滿一豆

矣鄭立駁之云周禮獻以鬯而酬以觶解字角旁著辰汝穎之  
開師讀所作今禮角旁單古書或作角旁氏角旁氏則與觶字  
相近學者多聞觶寡聞觶寫此書亂之而作觶耳又南郡太守  
馬季長說一獻而三酬則一豆觶當爲觶豆當爲斗與一爵三  
觶相應賈疏又云禮器制度云觶大二三升觶大三升是故鄭從  
二三升觶二三升觶也案各疏引異義互有誤脫刪改今參合校正  
古周禮說觶二三升賈孔所見本並誤作二升與此不合今從程  
瑤田陳壽祺校正解字角旁辰今本賈疏誤作角旁友臧琳改  
爲角旁支與古今韻會及周禮訂義引王氏詳說同然字書無  
此字段玉裁改爲角旁辰字見說文角部較有根據今從之鄭  
駁所引馬季長說蓋周禮傳佚文亦從韓詩說論語雍也篇觶

不觚集解引馬注義同鄭此注及風器注並本之臧琳云儀禮燕禮坐取觚洗賓少進解洗主人坐奠觚于篚注古文皆爲解士長升拜受觚主人拜解注今文解作觚膝觚于公注此當言膝解酬之禮皆用解言觚者字之誤也古者觚字或作角旁氏由此誤爾賓降洗象解注今文曰洗象觚公坐取賓所膝解與注今文解又爲觚大射儀士長升拜受觚主人拜解注今文解作觚膝解于公注今文解爲觚洗象觚注此觚當爲解據此知觚觚二字形相近儀禮古文多作解今文多作觚鄭參校古今文以義言之義當作解者從古文則云今文作觚義當作觚者從今文則云古文作解亦有古文解字反爲觚者如燕禮膝解于公大射儀洗象觚及梓人獻以爵而酬以觚是也鄭俱云觚

當爲解精審之至也許叔重不知觶觶易濶皆作如字讀觶爲三升則觶爲四升故說文角說二觶相飲酒角也受四升觶解或从辰觥禮經觶觶鄉飲酒之爵也一日觴受三升者謂之觶此許自用其說非古義也儀禮注駁異義皆云觶字古書或作角旁氏與說文觥禮經解正合陳喬樞云許君異義從古周禮說觶三升則以一獻三酬當一豆爲以一升獻以三升酬者當亦古周禮說如此鄭君參攷禮經酬皆用觶定觥當爲觶又據馬氏說改豆爲斗謂與一爵三觶相應然則馬氏以前無爲此說者矣今案許從此經故書舊說定爲觶三升觶四升馬鄭從韓詩及漢禮說觶二升觶三升而破經字以合之審校兩說實互有是非許讀豆如字是也其謂觶三升墨守周禮故書與

韓詩漢禮並不合則不若鄭說之長鄭謂觶爲解是也而破豆爲斗則與經文不合又不若計讀如字之塙矣云豆當爲斗者鄭亦謂聲之誤今案當讀如字食一豆肉飲一豆酒中人之食也一豆酒又聲之誤當爲斗疏食一豆肉飲一豆酒者易祓云坊記曰觴酒豆肉豆所以盛肉也故曰豆肉注云一豆酒又聲之誤當爲斗者家前注破豆爲斗謂此經豆字兩見後一豆字亦當改爲斗者一豆肉之豆不破之者以肉本爲豆實小子有肉豆則義自可通故仍之今攷一豆酒豆似亦可讀如字大戴禮記曾子事父母篇云執觶觶杯豆而不醉則古或亦以豆盛酒矣凡試梓飲器鄉衡而實不盡梓師罪之鄭司農云梓師罪也衡謂康衡也曲禮執君器齊衡立謂衡平也平齊鄉口酒

不盡則梓人之長罪於梓人焉疏凡試梓飲器鄉衡而實不盡梓師罪之者罪前經五篇並用古字作辜此作罪者疑亦經記字例之異梓師蓋司空之屬工官之一古者器成工官必考試之以校其功事之巧拙管子七法篇云成器不課不用不試不藏是也試梓猶稟人詎弓弩以下上其食而誅賞之亦工官之官計官刑也注鄭司農云梓師罪也者賈疏云謂梓師身自得罪後鄭不從者梓師是梓官之長不可自受罪故爲梓師罪梓人也云衡謂麋衡也者麋眉聲近假借字士冠禮眉壽注云古文爲麋壽程瑤田云王莽傳盱衡厲色注孟康曰眉上曰衡盱衡舉眉揚口也蔡邕傳揚衡含笑注云衡眉目之間也衡皆指眉言鄉衡者飲酒之禮必立而飲之賈子容經經立之容固

頤正視則不能昂其首矣試舉古銅爵飲之爵之兩柱適至於眉首不昂而實自盡衡指眉言兩柱向之故得謂之顴衡也由是觀之兩柱蓋節飲酒之容而驗梓人之巧拙也案程說深得經指引曲禮執君器齊衡者證麋衡之訓彼文云執天子之器上衡國君則平衡鄭彼注云衡謂與心平不爲麋衡先鄭蓋據禮家舊詁故與後鄭異云立謂衡平也者地官敘官注同此破先鄭麋衡之義也云平爵鄉口酒不盡者後鄭意凡飲酒舉爵鄉口平橫而酒適盡乃爲中法若平橫而尙有餘灑則是制器不應程注非良工也程瑤田云後鄭衡指爵之平是衡而鄉之非鄉衡也案程說是也云則梓人之長罪於梓人焉者亦破先鄭罪梓師之義也天官敘官注云師猶長也故梓人之官長

謂之梓師猶匠人之官長謂之匠師也梓人制器不應程法則  
長當施以罪若月令孟冬命工師劬功功有不當必行其罪以  
窮其情是也



周禮正義卷八十一終